



***Isključivo za medije, nije službeni dokument**

Vijest

HAJRUDIN MUJANOVIĆ - TUŽILAC TUŽILAŠTVA BOSNE I HERCEGOVINE

Hajrudin Mujanović rođen je 25.05.1955. godine u Kikačima, opština Kalesija u Bosni i Hercegovini, srednju Upravnu školu – EUŠC završio je u Tuzli. Diplomirao je na Pravnom fakultetu Univerziteta "Džemal Bijedić" u Mostaru 1981. godine, a pravosudni ispit položio 1988. godine u Republičkom sekretarijatu za pravosuđe i upravu Republike Srbije u Beogradu.

Profesionalnu karijeru je stekao radeći od 09.12.1982. godine do 31.10.1983. godine kao rukovodilac sektora za pravne i opšte poslove RO „KARTONAŽA“ Trojšići u Tuzli, nakon čega do 10.08.1987. obavlja poslove rukovodioca pravne i opšte službe SOUR „UMEL“ RO „MPI“ metaloprerađivačka industrija u Živinicama.

Do 31. augusta 1990. godine obavljao je poslove rukovodioca pravne službe u Trgovinskom preduzeću na veliko i malo „TEHNOPROMET“ p.o. TUZLA.

Pravosudnu karijeru započinje u periodu od 01.09.1990. do 30.06.1992. godine radeći na mjestu stalnog sudije Osnovnog suda udruženog rada u Tuzli, i tu dužnost obavlja od 01.07.1992. do 15.02.1993. godine u Osnovnom sudu u Tuzli, a po radnoj obavezi obavlja posao tržnog inspektora u opštini Tuzla.

Na mjestu sudije Višeg suda za prekršaje u Tuzli radio je od 16.02.1993. do 01.02.1996. godine, a od 02.02.1996. do 31.05.2000. godine radi kao advokat pri Regionalnoj advokatskoj komori u Tuzli.

Nakon toga imenovan je 01.06.2000. godine za zamjenika tužioca Kantonalnog tužilaštva u Tuzli gdje je obavljao dužnost do 2003. godine.

U periodu od 2003. godine do 31. decembra 2015. godine obavljao je dužnost tužioca Kantonalnog tužilaštva Tuzlanskog kantona i šefa odsjeka za krvne, seksualne delikte i drogu.



Na dužnost tužioca Tužilaštva Bosne i Hercegovine stupio je 01. januara 2016. godine.

Koautor je "Priručnika za praktičnu primjenu Zakona o prekršajima sa komentarom, obrascima, izmjenama i dopunama i registrom", izdat i štampan od DD Radnički univerzitet - štamparija Lukavac 1995. godine.

Sudjelovao je na brojnim seminarima, među kojima i seminaru o terorizmu 2015. godine.